

Årsmøteprotokoll

22.02.2011

Det vart halde årsmøte i A.L. Breedablik på Breedablik tysdag den 22. februar 2011 kl. 1900. Det var ikkje merknadar til innkallinga.

Sak 01/11 : Val av ordstyrar

Harald Sætre (styreleiar) vart samrøystes valt som ordstyrar.

Sak 02/11: Val av ein person, i tillegg til ordstyrar, for underskriving av protokoll

Rasmus Ekroll vart samrøystes valt til å skrive under protokollen.

Sak 03/11: Oppteljing av andelshavarar og antal stemmer på årsmøtet

Det var 6 stk. andelshavarar tilstades og desse representerte 6 røyster.

Sak 04/11: Årsmelding og årsrekneskap 2010

- årsmeldinga for 2010 vart lagt fram av styret og opplest av styreleiaren.

Det var ikkje merknadar og årsmøtet godkjende årsmeldinga for 2010.


- resultatrekneskap, balanse og revisjonsmelding for 2010 vart gjennomgått og opplest

Det var ikkje merknadar og årsmøtet godkjende resultatrekneskap og balanse for 2010. Årsmøtet tok revisjonsmeldinga til vitande.

Sak 05/11: Budsjett og andre økonomiske disposisjonar for 2011

Styret la fram forslag til budsjett for 2011 og orienterte om naudsynte gjeremål og planar. Lys på uteområdet, endring av nøkkelsystem, vedlikehald av kjøken og oppussing av gang er aktuelle prosjekt styret vil starte med planlegging av.

- driftsbudsjettet viser eit overskot på kr. 13 500



- årsmøtet kommenterte manglande spesifikasjon av avdrag på lån i driftsbudsjettet. Styret legg til grunn at avdrag ikkje er ein driftspost. Avdraga vert å betale frå behaldninga (balansepost), som er stor nok til det.
- årsmøtet oppmoda styret om å vere aktive i å søkje om tilskot til prosjekt som skal setjast i verk.

Årsmøtet vedtok samrøystes budsjettet slik det vart lagt fram.

Sak 06/11 Val av styremedlemar, leiar og valnemd

Styret meiner det er uheldig at storparten av styremedlemane er på val samstundes. Særleg leiar og økonomiansvarleg/utleigeansvarleg bør ha ulike valperiodar. Forslag til verv :


- på val er styremedlem Idar Voldnes og styremedlem Håkon Sandvik. Begge har takka ja til attval for ei periode.
- styreleiar Harald Sætre og styremedlem Ragnhild Helle Dalen er ikkje på val, men har takka ja til nyval for ei periode for å oppnå ei meir balansert utskifting av styret.
- styremedlem Tor-Egil Gulbrandsen, styremedlem Hanne Kjellstadli Johansen og styremedlem Gro Haugen(økonomi/utleige) er ikkje på val. Desse har takka ja til å utgjere valnemd.

Årsmøtet vedtok samrøystes forslaget til ny ordning og forslaga til verv :

Styreleiar :	Harald Sætre	2 år
Økonomiansvarleg :	Gro Haugen	1 år
Styremedlem :	Ragnhild Helle Dalen	2 år
Styremedlem :	Håkon Sandvik	2 år
Styremedlem :	Idar Voldnes	2 år
Styremedlem :	Tor Egil Gulbrandsen	1 år
Styremedlem :	Hanne Kjellstadli Johansen	1 år

Årsmøtet vedtok samrøystes forslaget til valnemd :

Tor Egil Gulbrandsen, Gro Haugen, Hanne Kjellstadli Johansen.



Sak 07/11 Val av revisor

Jarle Gunnarstein vart samrøystes attvald som revisor.

Sak 08/11 Endring av organisasjonsform for A.L Breidablik

Styret orienterte om årsak og verknad av forslaget om å gjere A.L Breidablik om til ein friviljug medlemsorganisasjon i form av ei foreining. (Sjå vedlegg til årsmøtesak 08/11).

- årsmøtet tek orienteringa til vitande
- årsmøtet streka under at dagens andelshavarar automatisk må verte medlemmar av foreininga i kraft av tidlegare andelskjøp
- nye medlemmar får same rettar og plikter som eksisterande medlemmar når det er innbetalt medlemskontingent etter reglane i nye vedtekter
- årsmøtet streka under at den nye organisasjonen skal vidareføre drifta av Breidablik etter same modell som tidlegare


Årsmøtet vedtok samrøystes å endre organisasjonsforma for A.L Breidablik. Den nye organisasjonen er ein friviljug medlemsorganisasjon. Foreininga får namnet **"Landsbyhuset Breidablik"**.


Sak 09/11 Nye vedtekter – "Landsbyhuset Breidablik"

Styret la fram forslag til nye vedtekter for Breidablik.

Årsmøtet vedtok samrøystes vedtekter for foreininga "Landsbyhuset Larsnes".

Årsmøtet vart avslutta kl. 2230


ordstyrar


medunderskrift

